



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

9 FEBRUARI 2021 (SELASA)



KERATAN AKHBAR DAN MEDIA ONLINE (KPDNHEP)

9 FEBRUARI 2021 (SELASA)



ALEXANDER

Kerajaan akan umum pembukaan sektor peruncitan lain

KUALA LUMPUR – Pengumuman berhubung perniagaan subsektor peruncitan lain yang bakal dibuka dalam tempoh Perintah Kawalan Pergerakan (PKP) akan dibuat tidak lama lagi.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi berkata, pihaknya meminta sedikit masa lagi sebelum sebarang pengumuman dibuat.

"KPDNHEP memang hendak subsektor peruncitan yang belum dibuka untuk beroperasi semula kerana kelangsungan perniagaan ini penting dan melibatkan jaminan pekerjaan untuk pekerja mereka.

"Tunggu sedikit masa, akan ada pengumuman yang mungkin kita terima baik. Jangan risau, kerana kami di peringkat kementerian faham keperluan

perniagaan ini dibuka," katanya ketika sidang akhbar selepas meninjau harga barang di Pasar Borong NSK Kuchai Lama, di sini semalam.

Alexander berkata, sepanjang tempoh satu tahun negara berdepan wabak Covid-19 juga, sektor perniagaan runcit bukanlah antara penyumbang kluster-kluster besar Covid-19 di negara ini.

"Selama satu tahun kita menghadapi masalah Covid-19 dan sektor peruncitan ini bukan satu sektor yang menyebabkan kluster kes Covid-19 yang besar berbanding sektor pembinaan, pembuatan dan kilang.

"Cuma saya ingin ingatkan semua untuk patuh kepada prosedur operasi standard (SOP) setinggi-tingginya kerana kaedah itu berkesan memerangi wabak Covid-19," katanya.

Pengguna berhak menerima ganti rugi daripada penjual atau syarikat kurier

Lapor TTPM jika barang online rosak

Oleh NOOR HAYATI MAMAT

HULU TERENGGANU – Pengguna yang kerugian akibat barangan dihantar menerusi perkhidmatan kurier hilang atau rosak disaran membuat aduan ke Tribunal Tuntutan Pengguna Malaysia (TTPM) bagi menuntut ganti rugi.

Timbalan Menteri Kementerian Perdagangan Dalam Negeri dan Hal Ehwal Pengguna (KPDN-HEP), Datuk Rosol Wahid berkata, aduan ke TTPM merupakan pendekatan yang perlu diambil sekiranya syarikat perkhidmatan kurier atau penjual terlibat enggan bertanggungjawab.

"Pengguna berhak menerima ganti rugi daripada pihak yang bertanggungjawab merosakkan atau menghilangkan barangan dibeli sama ada dilakukan oleh penjual mahu pun syarikat penghantaran.



KERATAN Kosmo! semalam.



ROSOL WAHID



Tribunal Tuntutan Pengguna Malaysia (TTPM)

"Sekiranya aduan (kepada penjual atau syarikat perkhidmatan kurier) tidak dapat menyelesaikan masalah, pengguna boleh menuntut hak mereka di TTPM," katanya ketika pemantauan perjalanan Prihatin Mart iaitu kedai runcit bergerak harga murah di Kampung Pela, Ajil di sini semalam.

Rosol mengulas rungutan ramai pengguna di media sosial sejak akhir-akhir ini berhubung ba-

rangan dibeli mereka rosak atau hilang didakwa dilakukan pekerja syarikat penghantaran kurier.

Kosmo! kelmarin melaporkan sebuah video berdurasi 15 saat menunjukkan tindakan sekumpulan pekerja sebuah syarikat perkhidmatan kurier melemparkan barangan milik pelanggan tular di media sosial.

Dalam perkembangan sama, Rosol menasihatkan pengguna dan penjual agar tidak menggunakan perkhidmatan kurier biasa untuk menghantar barangan berharga seperti barangan kemas, wang tunai dan barangan mudah rosak, terbakar dan meletup.

Kerajaan sedang menimbang cadangan memperkenalkan satu model gajet elektronik yang mampu dibeli oleh semua golongan untuk keperluan PdPR

GAJET MAMPU MILIK



- KPDNHEP mendedahkan satu perbincangan telah diadakan dengan syarikat pembekal gergasi gajet elektronik minggu lalu
- Ia adalah untuk memperkenalkan gajet khas bagi setiap item komputer, komputer riba, tablet dan telefon pintar yang memenuhi keperluan minimum PdPR dan mampu dibeli di pasaran

“ Bagi saya, inisiatif ini adalah satu projek jangka masa panjang bagi memudahkan integrasi pelajar sekolah dengan sistem PdPR yang dijangka menjadi keutamaan pada masa hadapan.” - Timbalan Menteri Perdagangan Dalam Negeri dan Hal Ehwal Pengguna (KPDNHEP), Daluk Rosol Wahid

MUKA 4 & 5

KPDNHEP cadang gajet khas PdPR

Untuk kawal dan
tetapkan harga siling
peranti elektronik khas

SHAH ALAM

Kerajaan sedang mempertimbangkan untuk menetapkan satu model khas bagi setiap gajet elektronik yang memenuhi spesifikasi minimum keperluan Pengajaran dan Pembelajaran di Rumah (PdPR).

Timbalan Menteri Perdagangan Dalam Negeri dan Hal Ehwal Pengguna (KPDNHEP), Datuk Rosol Wahid berkata, satu perbincangan di antara kementerian dengan pihak syarikat pembekal gergasi barangan peranti berkenaan telah diadakan minggu lalu.

Jelas beliau, objektif perbincangan itu bertujuan membolehkan kerajaan menetapkan penghasilan satu model khas bagi setiap item iaitu komputer, komputer riba, tablet dan telefon pintar yang berfungsi sepenuhnya bagi tujuan PdPR.

Melalui kaedah itu, beliau yakin kerajaan mampu memastikan setiap gajet tersebut bukan sahaja dijual pada harga minimum, bahkan dapat diagihkan kepada pelajar kurang berkemampuan secara percuma.

"Buat masa ini, idea pihak kami masih di peringkat perbincangan dengan beberapa syarikat pembekal peranti gergasi dan masih belum dimukta-



Rosol (kiri) dan Ketua Setiausaha KPDNHEP, Datuk Seri Hasnol Zam Zam Ahmad menyertai Ops Catut 8.0 di Kuala Lumpur minggu lalu.

madkan.

"Syarikat-syarikat berkenaan diminta untuk membuat satu kertas cadangan berkenaan penetapan jenis item peranti, harga, spesifikasi dan volume pengeluaran yang paling bersesuaian untuk dijadikan produk khas.

"Sekiranya segala urusan berjalan lancar, kami menjangkakan inisiatif itu akan dapat dimuktamadkan pada pertengahan tahun ini," katanya secara eksklusif kepada *Sinar Harian* pada Isnin.

Beliau berkata demikian sewaktu menjelaskan inisiatif terkini kerajaan bagi menangani masalah kenaikan harga barangan peranti elektronik untuk keperluan PdPR yang melampau serta bekalan produk yang terhad ketika ini.

Pada Isnin, *Sinar Harian* melaporkan aduan golongan ibu bapa dan beberapa persatuan pengguna merungut harga barangan gajet PdPR melambung tinggi sehingga mencecah

70 peratus di pasaran.

Rosol berkata, pihaknya mengakui idea penghasilan barangan gajet khas bagi tujuan PdPR itu sedikit sebanyak mengambil inspirasi pemberian Netbook 1Malaysia yang pernah dilaksanakan kerajaan suatu ketika dahulu.

Menurutnya, inisiatif pengeluaran barangan peranti khas untuk PdPR itu juga dijangka memudahkan kerajaan untuk menetapkan sebagai barangan keperluan, sekali gus membolehkan satu harga siling ditetapkan.

"Terpulang kepada kerajaan untuk meletakkan jenama apa. Namun jenama itu sebaiknya mencerminkan identiti negara.

"Bagi saya, inisiatif ini adalah satu projek jangka masa panjang bagi memudahkan integrasi pelajar sekolah dengan sistem PdPR yang dijangka menjadi keutamaan pada masa hadapan," katanya.

Pantau penjualan gajet lebih menyeluruh

JIKA sebelum ini kita lihat bantuan kepada golongan memerlukan adalah berupa makanan, barangan keperluan dan sedikit wang bagi meringankan beban ketika waktu sulit.

Tapi kini, kebanyakan NGO mula menghulurkan bantuan gajet bagi memastikan tiada golongan yang tercicir daripada pembelajaran yang ketika ini terpaksa dijalankan secara online ketika pandemik Covid-19.

Gajet sudah menjadi alat yang cukup penting bukan sahaja dalam aspek komunikasi, tetapi penghubung kepada masa depan murid-murid dalam pendidikan.

Disebabkan kepentingan tersebut, ada pihak yang mengambil kesempatan dengan menaikkan harga peranti itu sehingga 70 peratus seperti yang dilaporkan akhbar ini pada Isnin.

Sesungguhnya, tindakan tersebut adalah amat tidak wajar sekali kerana ia bukan sahaja membebankan ibu bapa yang kurang berkemampuan, malah menindas golongan memerlukan kepada akses pendidikan.

Walau apa pun alasan diberikan peniaga, mereka tidak sepatutnya mengambil kesempatan menaikkan harga telefon, tablet, komputer dan pencetak di kala ramai yang memerlukannya.

Oleh itu, Kementerian Perdagangan Dalam Negeri dan Hal Ehwal Pengguna (KPDNHEP) sewajarnya melipat gandakan operasi pemantauan bagi memastikan peniaga barangan elektronik tidak sewenang-wenangnya mengambil kesempatan di atas permintaan mendadak peranti itu.

Penguatkuasaan terhadap kedai-kedai peranti tersebut juga perlu tegas seperti mana KPDNHEP bertindak terhadap peniaga barangan kawalan lain di pasaran.

Orang ramai juga perlu menyalurkan maklumat kepada KPDNHEP apabila mengetahui mana-mana kedai yang menaikkan harga peranti dengan drastik.

Dengan aduan tersebut, KPDNHEP dapat bertindak dengan mengeluarkan Notis Pengesahan Maklumat Barangan (NPMB) seperti yang telah dikeluarkan terhadap 331 premis seluruh negara sejak 25 Januari lalu.

Bersama-sama kita menggerakkan usaha supaya tidak ada pihak yang mengambil kesempatan di atas keperluan untuk pendidikan anak-anak kita.

Kilang proses makanan sejuk beku kotor diserbu

Pemilik premis pernah diberi amaran, berulang kali lakukan kesalahan sama

Oleh Nur Izzati Mohamad
bhnews@bh.com.my

Kepala Batas: Bahagian Keselamatan dan Kualiti Makanan (BKQM) Jabatan Kesihatan Negeri Pulau Pinang (JKNPP), menyerbu sebuah kilang memproses makanan sejuk beku di Jalan Datuk Haji Ahmad Badawi, di sini, semalam.

Hasil serbuan jam 10 pagi itu mendapati kilang berkenaan dalam keadaan begitu menjijikkan apabila makanan diletakkan di atas lantai hingga dihurung alat dan lipas, manakala tahi tikus dijumpai di celah-celah peralatan yang digunakan.

Pegawai Kesihatan BKQM JKNPP, Mohd Wazir Khalid, berkata walaupun produk berkenaan dipasarkan kepada bukan Islam, pihaknya mengutamakan aspek kebersihan supaya tidak berlaku keracunan makanan.

"Tahun lalu, kita sudah memberi amaran dan nasihat kepada pemilik kilang ini, tetapi tidak diendahkan, selain tiada sebarang penambahbaikan dilakukan, bahkan pekerja kilang berkenaan juga tidak mengambil suntikan tifoid.

"Dalam soal siasat, pemiliknya tidak habis-habis beri alasan kilang mahu ditutup sebab bankrap, bagaimanapun dalam rekod sudah 50 tahun beroperasi dan berulang kali melakukan kesalahan sama," katanya.

Mohd Wazir berkata, pihaknya juga bimbang berikutan terdapat sesetengah produk bebola yang dikeluarkan tidak mempunyai label, sekali gus boleh



Mohd Wazir membuat pemeriksaan kilang memproses makanan sejuk beku di Jalan Datuk Haji Ahmad Badawi, Kepala Batas, semalam. (Foto Nur Izzati Mohamad/BH)

menimbulkan kekeliruan, terutama kepada pengguna Islam.

"Kita dapati terdapat percampuran pada bahan ikan dan daging babi dalam proses menghasilkan bebola dan apa yang menjadi kekeliruan, terdapat bungkus yang tidak mempunyai label.

"Bagi produk yang mempunyai label (jenama) pula ditulis dalam tulisan Cina yang menyalahi undang-undang kerana setiap produk dikeluarkan, wajib mempunyai tulisan bahasa Melayu kerana produk makanan seperti ini biasanya dijual di pasar basah," katanya.

Berikutan itu, beliau menegaskan, pihaknya bertindak menutup kilang terbabit selama dua minggu mengikut Seksyen 11 Akta Makanan 1963 selain mengeluarkan tiga notis mengikut Peraturan 32 akta sama atas kesalahan pengabaian kebersihan diri ketika mengendalikan makanan.

"Pada masa sama, Kementerian Perdagangan Dalam Negeri dan Hal Ehwal Pengguna (KPDNHEP) negeri juga mengambil tindakan ke atas pemilik be-



Tempat penyediaan makanan sejuk beku diragui kebersihannya.

Tahun lalu, kita sudah memberi amaran dan nasihat kepada pemilik kilang ini, tetapi tidak diendahkan.

Mohd Wazir Khalid,
Pegawai Kesihatan
BKQM JKNPP

rikutan kesalahan sukat timbang dan menyimpan minyak masak tanpa kebenaran.

"Selain itu, Majlis Perbandaran Seberang Perai (MBSP) pula sudah mengambil tindakan berikutan pejabat kilang berkenaan beroperasi tanpa lesen," katanya.

Seramai 43 penguat kuasa JKNPP, KPDNHEP dan MBSP terbabit dalam Op Tegar yang dilaksanakan secara bersepadu semalam.



Oleh Nur Izzati
Mohamad
am@metro.com.my

Kepada Ruaras

Loya dan mengijikan. Begitu keadaan sebuah kilang makanan sejuk beku bukan Islam di sini, apabila makanan yang diproses didapati diletakkan di atas lantai selain turut dihurung lalat.

Penemuan itu diperolehi hasil serbuan Bahagian Keselamatan dan Kualiti Makanan (BKQM) Jabatan Kesihatan Negeri Pulau Pinang (JKNPP) selepas menerima maklumat pada jam 10 pagi semalam.

Pemeriksaan awal mendapati tahap kebersihan kilang agak kotor kerana terdapat lipas selain tahi tikus pula dijumpai di celah-celah peralatan yang digunakan.

Difahamkan, ketika serbuan pekerja kilang itu dipercayai warga asing didapati membasuh kulit baki dengan keadaan lantai agak lecek.

Pegawai Kesihatan BKQM JKNPP Mohd Wazir Khalid berkata, ketika serbuan dilakukan, pekerja di kilang terbabit didapati sedang memproses produk bebola ikan dan bebola babi.

Menurutnya, pihak kilang pernah menyerbu kilang mengeluarkan produk untuk bukan Muslim berkenaan namun mereka masih gagal mematuhi arahan diberikan dan menjadi keutamaan pihaknya memeriksa aspek kebersihan supaya tidak berlaku kejadian keracunan makanan.

"Tahun lalu, pihak kita memberi amaran dan nasihat kepada pemilik kilang ini, tetapi ia tidak diendahkan"



KILANG JIJK KONON NAK BANKRAP

Premis proses makanan sejuk beku diserbu masih gagal patuhi aspek kebersihan



Tahun lalu, pihak kita sudah memberi amaran dan nasihat kepada pemilik kilang ini, tetapi ia tidak diendahkan"

Mohd Wazir

kilang ini, tetapi ia tidak diendahkan selain tiada penambahbaikan diambil bahkan

pekerja juga tidak mengambil suntikan tifoid.

"Apabila disoal pemilik kilang beri alasan kilang sudah nak tutup sebab bankrap berulang-kali, tapi dalam rekod sudah 50 tahun beroperasi dan berulang-ulang melakukan kesalahan sama," katanya selepas mengadakan pemeriksaan Op Tegar di kilang itu di sini, semalam.

Serban membabitkan 43 anggota penguat kuasa dari

JKNPP, Kementerian Perdagangan Dalam Negeri dan Hal Ehwal Pengguna (KPDNHEP) dan Majlis Bandarnya Seberang Perai (MBSP).

Mohd Wazir berkata, pihaknya himbah berikutan sesetengah produk bebola ikan dan bebola babi dikesakan tiada label, sekali gus ia menimbulkan kekeliruan terutama pada pengguna Muslim.

"Kita dapati ada percampuran pada bahan ikan serta daging babi dalam proses menghasilkan bebola dan apa yang menjadi kekeliruan terdapat bungkus tidak mempunyai label."

"Bagi produk mempunyai label pula ditulis dalam tulisan Cina di mana ia menyalahi undang-undang kerana setiap produk dikeluarkan wajib mempunyai tulisan dalam

bahasa Melayu kerana produk makanan seperti ini kebiasaannya turut dijual di pasar basah," katanya.

Katanya, berikutan itu pihaknya menutup kilang terbabit dua minggu mengikut Seksyen 11 Akta Makanan 1983 selain mengeluarkan tiga notis di bawah Peraturan 32 akta sama atas kesalahan pengabaian kebersihan diri ketika mengendalikan makanan.



Mohd Wazir menunjukkan produk yang dihasilkan kilang terbabit.



KILANG yang diserbu sudah beroperasi selama 50 tahun.



PRODUK bebola tidak dikendalikan dengan baik sehingga menyebabkan ia dihurung lalat.

Kilang proses bebola ikan pengotor kena kompaun, diarah tutup 14 hari

Guna alasan lapuk sejak 50 tahun

Oleh ISWAN SHAFIQ ISA

SEBERANG PERAI – Alasan lapuk pemilik kilang memproses bebola ikan kononnya perniagaannya hampir bankrap dan tidak akan beroperasi sejak 50 tahun lalu gagal memperdaya pihak berkuasa untuk tidak mengenakan tindakan ke atas mereka dalam serbuan di Kepala Batas di sini.

Dalam serbuan pada pukul 10 pagi itu, kilang tersebut dikenakan tiga kompaun selain diarahkan ditutup selama 14 hari mengikut Seksyen 11, Akta Makanan 1983 untuk kerja-kerja pembersihan.

Setiap lima pekerja kilang itu juga dikenakan kompaun RM300 seorang. Kilang itu juga dikenakan denda kerana beroperasi tanpa lesen.

Ketua Unit Penguatkuasaan Bahagian Keselamatan dan Kualiti Makanan (BKKM), Jabatan Kesihatan negeri, Mohd. Wazir Khalid berkata, tindakan tegas itu diambil selepas pihaknya mendapati kilang itu masih ber-



SEORANG anggota penguat kuasa BKKM menunjukkan tempat memproses daging babi yang dijalankan di sebuah kilang di Kepala Batas, Seberang Perai semalam.

operasi selepas memberikan alasan lapuk tersebut setiap kali serbuan dilakukan.

Katanya, walaupun kilang

itu memproses makanan untuk mereka yang bukan beragama Islam, namun proses penyediaannya agak kotor dan dipe-

nuhi pelbagai serangga seperti lipas dan lalat.

"Jika berterusan ia akan menyebabkan keracunan makanan.

Kita tidak akan berkompromi," katanya dalam Ops Tegar bersama Kementerian Kesihatan Malaysia, Kementerian Perdagangan Dalam Negeri dan Hal Ehwal Pengguna (KPDNHEP) negeri serta Majlis Bandaraya Seberang Perai.

Tambahnya, selain kebersihan, masalah lain yang dikesan termasuk tidak menggunakan perkataan bahasa Melayu pada produk walaupun dihasilkan di Malaysia.

Menurut Mohd. Wazir, pihaknya juga bimbang jika berlaku percampuran daging atau produk makanan berasaskan babi dengan ikan di kilang itu.

"Lebih membimbangkan jika produk yang tidak mempunyai logo halal itu diedarkan ke pasaran seluruh Pulau Pinang terutamanya di pasar basah dan sebagainya," katanya.

Ujar Mohd. Wazir, KPDNHEP turut mengeluarkan tiga kompaun berkaitan akta sukat dan timbang serta kesalahan menyimpan minyak masak tanpa kebenaran pihak berwajib.

KPDNHEP periksa kilang ayam di Serkam

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) mengambil langkah awal melakukan pemeriksaan dan penelitian operasi kilang ayam di Serkam, Melaka selepas sebahagian besar pekerjaannya positif COVID-19.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi, berkata tindakan itu bagi menentukan strategi dan tindakan susulan untuk memastikan bekalan ayam tidak terjejas di kawasan edaran.

"Kami ambil maklum penutupan kilang itu bermula 2 Februari lalu disebabkan sebahagian besar pekerja positif COVID-19. Ia satu daripada kilang pemprosesan ayam utama yang membekalkan ayam ke seluruh Semenanjung.

"Arahan penutupan oleh Kementerian Kesihatan Malaysia

(KKM) adalah penting untuk mengawal Kluster Industri Serkam supaya tidak terus menular," katanya pada sidang media selepas melawat NSK Trade City Jalan Kuchai Lama, di sini semalam.

Alaxander berkata, jumlah pengeluaran sebelum penutupan operasi kilang itu adalah sebanyak 150,000 ekor ayam pedaging sehari dan selepas arahan penutupan oleh KKM, pengeluaran tidak dapat diteruskan untuk tempoh sementara sahaja.

"Bagi mengatasi risiko gangguan bekalan ayam pedaging, sebuah kilang pengeluaran ayam di Pedas, Negeri Sembilan diarah membantu memproses pengeluaran ayam pedaging bagi tujuan kelangsungan pengedaran bekalan," katanya.

Katanya, tiada sebarang aduan diterima KPDNHEP di seluruh negara berkaitan kekurangan bekalan ayam di pasaran, namun pemeriksaan harian dipergiat

604 dijangkiti di ladang, kilang proses ayam



Keratan akhbar BH, Ahad lalu.

untuk memantau bekalan barangan pengguna, termasuk ayam daging dan telur sepanjang tempoh Perintah Kawalan Pergerakan (PKP).

"Penutupan satu kilang pengeluaran ayam utama itu disebabkan pematuhan kuarantin untuk kepentingan kawalan penularan COVID-19. Ia tidak menjejaskan bekalan ayam di pasaran yang tetap stabil dengan pengeluaran oleh kilang lain yang beroperasi seperti biasa.

"Bekalan ayam pedaging dan

telur masih boleh diedarkan kepada kira-kira 500 pemborong. Produktiviti stabil dan memenuhi keperluan pasaran," katanya memberi amaran, KPDNHEP boleh mengenakan kompaun dan menutup premis jika berlaku ketidakpatuhan SOP PKP oleh pemilik premis perniagaan.

Media sebelum ini melaporkan, seramai 604 pekerja ladang dan kilang memproses ayam di Serkam, disahkan positif COVID-19 sejak saringan dilakukan pada Isnin minggu lalu.

KPDNHEP Kedah sedia bekerjasama tangani penyeludupan ayam sejuk beku

ALOR SETAR - Kementerian Perdagangan Dalam Negeri dan Hal Ehwal Pengguna (KPDNHEP) Kedah bersedia memberikan kerjasama kepada mana-mana pihak terutamanya Jabatan Perkhidmatan Kuarantin dan Pemeriksaan Malaysia (Maqis) bagi memastikan tidak berlakunya cubaan menyeludup ayam sejuk beku dari negara jiran.

Pengarah KPDNHEP negeri Kedah, Rae Morn Verak berkata, mereka juga mengalu-alukan sebarang aduan daripada pengguna sekiranya terdapat penjualan ayam berkenaan dalam pasaran tempatan.

"Kita bersedia untuk bekerja-

sama dengan mana-mana agensi terlibat berdasarkan arahan daripada pihak atasan. Bagaimanapun setakat ini kita belum menerima sebarang laporan lagi.

"Berkaitan aduan daripada pengguna pula kita akan ambil tindakan sepatutnya mengikut bidang kuasa kita bagi pihak pengguna," katanya ketika melakukan pemeriksaan bekalan ayam di Ayam Bismi Sdn Bhd di Simpang Empat di sini pada Isnin.

Mengulas lanjut, Rae Morn berkata, 16 jenis barangan disenaraikan di bawah Skim Harga Maksimum Musim Perayaan Tahun Baharu Cina bermula 8 hingga 16

Februari depan.

Katanya, skim ini akan dilaksanakan di bawah Akta Kawalan Harga dan Antipencatutan 2011 dan Akta Kawalan Bekalan 1961 yang melibatkan barangan seperti ayam, telur ayam, sayuran, hasil laut dan daging babi.

"Penentuan harga barangan bagi Kedah dibuat mengikut kesesuaian harga pasaran semasa dan mengambil kira faktor perubahan harga, khususnya bagi barangan import yang dipengaruhi harga di negara asal, perubahan kadar tukaran mata wang dan peningkatan kos utiliti penternak," katanya.



Rae Morn (tiga, kanan) menunjukkan tanda harga berwarna merah jambu yang harus dipaparkan pada setiap barangan yang disenaraikan dalam Skim Harga Maksimum Musim Perayaan Tahun Baru Cina bermula 8 hingga 16 Februari depan.

Suami isteri ditahan seludup minyak petrol



Tong-tong yang berisi cecair dipercayai petrol ditemui dalam tiga kenderaan semasa serbuan itu.

JELI - Sepasang suami isteri antara lima individu yang ditahan dalam serbuan di sebuah stesen minyak di Batu Melintang, di sini, pada awal pagi Sabtu disyaki terlibat aktiviti penyeludupan minyak petrol.

Ketua Polis Daerah Jeli, Deputy Superintendan Ahmad Ariffin berkata, peronda Polis Diraja Malaysia (PDRM) membuat rondaan di kawasan tersebut dan mendapati tiga kenderaan berada di stesen minyak berkenaan dalam keadaan mencurigakan dalam serbuan pada jam 5 pagi itu.

"Ketika serbuan dilakukan, mendapati empat lelaki dan seorang perempuan berada bersama tiga

kenderaan tersebut termasuk salah seorang adalah pengurus stesen minyak berkenaan. Hasil siasatan awal menemui 59 tong berisi cecair minyak petrol sebanyak kira-kira 1,740 liter bernilai RM3,358 yang dipercayai untuk diseludup ke negara jiran melalui pengkalan haram di kawasan Jeddok.

"Hasil siasatan awal mendapati minyak tersebut adalah untuk pasaran negara jiran dengan penawaran harga hampir sekali ganda. Suspek yang ditahan rata-rata berumur lingkungan 30 hingga 35 tahun," katanya kepada pemberita dalam satu sidang akhbar di Ibu Pejabat Polis Daerah (IPD) Jeli di sini pada

Isnin.

Menurutnya, kesemua tangkapan diserahkan kepada KPDNHEP untuk siasatan lanjut di bawah Seksyen 21 Akta Kawalan Bekalan 1961 dan Perkara 12(A), Peraturan-Peraturan Kawalan 1974 atas kesalahan membekalkan barang kawalan ke dalam bekas atau tangki selain tangki asal kenderaan.

Ahmad berkata, empat suspek yang masing-masing beralamat di Tanah Merah juga dikompau di bawah Peraturan 4, Peraturan-Peraturan dan Pencegahan Penyakit Berjangkit 2021 atas kesalahan merentas daerah tanpa kebenaran daripada pihak polis.

Seludup 59 tong petrol



KETUA Polis Daerah Jeli, Deputy Superintendan Ahmad Ariffin memeriksa tiga kenderaan jenis Proton Iswara, Wira dan Toyota LE yang membawa 59 tong berisi minyak petrol dengan kandungan 1,740 liter yang dianggarkan bernilai RM6,858.30 sekali gus membongkarkan aktiviti penyeludupan minyak petrol ketika sidang media di Ibu Pejabat Polis Daerah (IPD) Jeli, semalam.

HARI : SELASA

TARIKH : 9/2/2021

M/SURAT : 16

 Senarai Harga Barang Keperluan	- Ayam	RM5.90	- Telur Gred A	RM10.20	- Gula Pasir	RM2.95	- Cili Merah	RM10.90
	- Daging Lembu Tempatan	RM34	- Ikan Kembung	RM8.98	- Bawang Besar Holland	RM3.29	- Kubis Bulat Tempatan	RM3.80
	- Daging Lembu Import	RM19.99	- Minyak Masak	RM5.32	- Bawang Putih	RM1.99	- Tepung Gandum	RM1.35
*Harga (RM/kg) Sumber: KPDNHEP								